


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



802
725
Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-01289/19
Sarajevo, Mart 20. 2019. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
n/r, predsjedavajućeg, Elmedina Konakovića

Predmet: *Odgovor na zastupničko pitanje broj: 01-05-3581-105/19 od 04.03.2019. godine postavljeno od strane zastupnice Jasne Duraković - dostavlja se;*

Kantonalna uprava za inspekcijske poslove Kantona Sarajevo, dana 13.03.2019. godine zaprimila je zastupničko pitanje postavljeno od strane zastupnice Jasne Duraković na Petoj radnoj sjednici Skupštine Kantona Sarajevo, održanoj dana 27.02.2019. godine u okviru tačke Dnevnog reda "Poslanička /zastupnička pitanja, inicijative i odgovori" a u skladu sa Poslovnikom Skupštine Kantona Sarajevo koje glasi

1. Ko je odgovoran za ugrožavanje ljudskog života korištenjem privatnih ložišta i otrovnog dima koji zagađuje okolinu i ugrožava zdravlje ljudi i ko štiti ove građane, njihove živote i interese?- nijedna inspekcija, jer nijedna inspekcija nema u svom programu rada zaštitu ovih građana, što je silna diskriminacija ovih 100 ljudi na navedenoj lokaciji,



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

2. Zašto u nadležnostima kantonalne okolišne inspekcije ne postoji i kontrola, kao i kaznena odredba za privatna ložišta?
3. Privatna ložišta su među najvećim zagađivačima u KS, a po pitanju tog problema ništa se ne radi. Hoće li se to konačno promijeniti i kada možemo očekivati da ova Vlada preduzme konkretne mjere po pitanju rješavanja ovog problema?

U vezi s postavljenim pitanjem, dajemo slijedeći

ODGOVOR:

Kantonalni inspektori Kantonalne uprave za inspeksijske poslove Kantona Sarajevo, nadležni za kontrolu provođenja Odluke o zaštiti i poboljšanju kvaliteta zraka Kantona Sarajevo su shodno iskustvima iz prethodnih godina već početkom septembra 2018. godine intenzivirali inspeksijske kontrole s ciljem zaštite i poboljšanja kvaliteta zraka u Kantonu Sarajevo.

Za kontrolu provođenja naprijed navedene Odluke ispred ovog organa, shodno nadležnostima utvrđenim u materijalnim propisima zaduženi su:

- inspekcija zaštite okoliša, komunalna i urbanističko-građevinska,
- tržišno - turistička inspekcija,
- saobraćajna inspekcija.

S obzirom da Inspektorat urbanističko-građevinske, ekološke, komunalne i stambene inspekcije vodi i koordinira aktivnosti unutar Uprave u vezi s provođenjem Odluke o zaštiti i poboljšanju kvaliteta zraka Kantona Sarajevo, glavni inspektor je dana 12.09.2018. godine inicirao da se u cilju efikasnosti, a na osnovu ranijeg iskustva i prakse, odmah pokrenu inspeksijski nadzori na okolnosti navedene u Odluci, te da se prioritetne kontrole prvenstveno izvrše na mjestima i kod subjekata koji bitno utiču ili mogu uticati na povećanje zagađenja, i to prije svega kod subjekata koji su 2017. godine ili ranije evidentirani kao prekršioc i ove Odluke.

Kantonalna inspekcija zaštite okoliša tokom cijele godine kontinuirano vrši nadzor nad operaterima koji u upotrebi imaju postrojenja za sagorjevanje snage 50 kW i preko 50 kW, na osnovu čega je po službenoj dužnosti pokrenula 42 inspeksijska nadzora kod registrovanih subjekata koji obavljenjem određene djelatnosti vrše značajne emisije u zrak i 12 kotlovnica KJKP "Toplane-Sarajevo" doo Sarajevo.

Nakon provedenog postupka i izvršenih kontrola utvrđeno je da je od ukupno 42 subjekta kontrole, od kojih je zatraženo postupanje, njih 29 postupilo u skladu sa traženim, dok 13 subjekata nije postupilo po uputama inspektora, odnosno nisu dostavili dokaze o učinjenom i naloženom od strane inspekcije. Inspekcija zaštite okoliša je navedene subjekte prekršajno sankcionisala i nastavila sa vršenjem inspeksijskog nadzora na navedene okolnosti.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Pored navedenog, kantonalni komunalni inspektori su u ovom periodu pokrenuli kontrolu nad kantonalnim javnim komunalnim preduzećima.

KJKP "PARK" doo Sarajevo je naloženo, da u cilju provođenja mjera na zaštiti i poboljšanju kvaliteta zraka u Kantonu Sarajevo, kontinuirano i po potrebi vrši pranje betonskih, asfaltnih i popločanih parkovskih staza, te čiste javne površine kojima upravljaju.

KJKP "RAD" doo Sarajevo je naloženo da poduzme mjere intenzivnog čišćenja i pranja saobraćajnica sve dok ne nastanu okolnosti kada to nije dozvoljeno, a sve u cilju provođenja mjera na zaštiti i poboljšanju kvaliteta zraka u Kantonu Sarajevo.

Shodno navedenom KJKP "RAD" doo Sarajevo je dopisom br. 19615/18 izvjestio ovaj Inspektorat da je dana 15.11.2018. godine, započela sa radom zimska služba, te da će ista po potrebi vršiti mašinsko pranje i čišćenje javno - prometnih saobraćajnica, a kada to budu dozvoljavali vremenski uslovi, te po potrebi provoditi i druge aktivnosti predviđene zakonskim propisima.

Od službi komunalnih redara KJKP "RAD" doo Sarajevo zatraženo je intenziviranje neposredne zaštite komunalne čistoće u Kantonu Sarajevo, a pogotovo kontrola izvođača građevinskih radova u skladu sa članom 19. Zakona o komunalnoj čistoći ("Sl. novine Kantona Sarajevo" broj: 14/16, 43/16, 19/17 i 20/18), kao i spriječavanje loženja vatre na javnim i drugim površinama i spaljivanje otpada.

Shodno aktu od 12.09.2018. godine kojim su inicirane i druge inspekcije koje djeluju unutar ovog organa da preduzmu preventivne mjere u cilju zaštite zraka i provođenju Odluke, ovom Inspektoratu su dostavljene informacije o poduzetim mjerama drugih inspekcija koje su ispred ovog organa zadužene za provođenje Odluke.

Tržišno-turistička inspekcija je prilikom kontrole prodaje uglja u Kantonu Sarajevo izvršila nadzor nad četiri registrirana subjekata koji obavljaju promet uglja u i to "Drvosječa" doo Sarajevo, "Briket" doo Sarajevo, "Bas-Dam" doo Sarajevo i STR "Ogrijev transport".

Navedeni subjekti nadzora posjeduju dokaze o zadovoljenju uslova prodaje i upotrebe uglja u Kantonu Sarajevo koji ima ukupni sadržaj gorivog sumpora ispod 1%. Predočeni su dokazi - izvještaji o inspekciji, izdati od strane akreditovane laboratorije za analizu uglja prema BAS EN ISO 17025 a u skladu sa Odlukom o zaštiti i poboljšanju kvaliteta zraka u Kantonu Sarajevo.

U postupku inspekcijskog nadzora teretnih motornih vozila kojima se vrši prijevoz uglja, a koji su u vlasništvu fizičkih lica (samostalni autoprijevoznici) i koji ne posjeduju dokaz o kvalitetu uglja izdatog od strane akreditovane laboratorije, kantonalni saobraćajni inspektori su donosili upravnu mjeru rješenje s upozorenjem, s obzirom da članom 60. stav 5. Odluke o zaštiti i poboljšanju kvaliteta zraka, kazna za fizička lica nije predviđena.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Inspekcija zaštite okoliša koja organizacijski djeluje unutar Inspektorata urbanističko građevinske, ekološke, komunalne i stambene inspekcije redovno vrši inspekcijski nadzor kod subjekta nadzora "BAGS ENERGOTEHNIKA" dd Vogošća.

Unaprijed planirani inspekcijski nadzor izvršen je u mjesecu septembru 2018. godine, u cilju preventivnog djelovanja nad zaštitom kvaliteta zraka. Prilikom vršenja inspekcijskog nadzora subjekt nadzora upozoren je da je dužan postupati u skladu sa Odlukom o zaštiti zraka i poboljšanju kvaliteta zraka Kantona Sarajevo ("Službene novine Kantona Sarajevo", br. 23/16) i pridržavati se odredbi Plana interventnih mjera ukoliko dođe do proglašenja epizoda uslijed povećanih zagađujućih materija u zraku.

"BAGS ENERGOTEHNIKA" dd Vogošća jednom godišnje vrši monitoring emisija zagađujućih materija u zrak, koji se dostavlja Ministarstvu prostornog uređenja, građenja i zaštite okoliša Kantona Sarajevo. Zadnji monitoring je izvršen u martu 2018. godine putem akreditovane firme. Rezultati monitoringa su pokazali (izvještaj) da izmjerene koncentracije zagađujućih materija u zrak ne prelaze granične vrijednosti emisija propisanih važećim zakonskim i podzakonskim normama.

Uz dostavljene izvještaje o izvršenom monitoringu dostavljeni su i dokazi o redovnom održavanju kotlova (6,5 MW i 16,5 MW-dozvola je za oba kotla zajedno), plamenika i dimovodnih kanala u kotlu i u dimnjaku.

Kontrolisanom subjektu, okolinsku dozvolu je izdalo Federalno ministarstvo okoliša i turizma, pa je kontrola po odredbama ove dozvole u nadležnosti federalne inspekcije zaštite okoliša.

Odlukom o zaštiti zraka i poboljšanju kvaliteta zraka Kantona Sarajevo nije zabranjena upotreba čvrstih goriva, prodaja i upotreba uglja ukoliko isti posjeduju dokaze o zadovoljenju uslova, a koji izdaje akreditovana laboratorija za analizu uglja prema BAS EN ISO 17025.

Dio zastupničkog pitanja koji se odnosi na kontrolu privatnih ložišta, ukoliko se misli na domaćinstva, i poduzimanje kaznenih mjera po navedenom osnovu također je razmotren. U vezi s istim ističemo da inspektor bez pribavljenog naloga od strane suda nije u mogućnosti izvršiti kontrolu u objektima koji su u privatnoj svojini, pa čak kad postoje indicije da vlasnik objekta obavlja poslove koji ukazuju na prekršaj. Ovaj problem prisutan je i u drugim inspekcijama i isti smo i ranije isticali u dostavljenim izvještajima o radu, te kao prijedlog mjera predlagali izmjenu zakonskih propisa u dijelu koji se odnosi na ovlaštenja inspektora.

S poštovanjem,

Dostavljeno :

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Arhiva

~~DIREKTOR~~

~~Fahir Halilović~~



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb